

– Бягай братко, че децата ми са по-силни от мен и ще те убият!

Ламята се уплашила и хукнала да бяга, а децата слезли от покрива и прегърнали баща си. Той отишъл при жена си и ѝ разказал всичко. Тя много се зарадвала, че мъжът ѝ се върнал жив и здрав. После си направили голям дворец, където заживели мирно и щастливо. Оставили си една торба с жълтици за черни дни, а останалото богатство раздали на бедните си братя. А ламята никога повече не се върнала.



O choro rom⁴

Isine ekh choro rom, kay chhinelas kashta. Ulo les but chhave – desh. Tryabuinel te parvarel e chhaven kay chhinel kashta.

Akana, ekh dives ov gelo ekhe veshes but dure thanes. Bute dromestar ov khinilo. Beshtyas te pochinel. Lachhes, ama ko vesh zhivinelas ekh lame trine sherentsa. Oy dikhlyas les i phengyas:

– O-ho! Aki mangi manush te hav les!

O rom phengyas lake izraimasa:

– Anglal te has man an te dikhas kon amendar si po-zoralo!

– Lachhes! Ama, sar ka ushares mantsa, ta tu sinen samo manush? – phuchlyas i lame.

Ama o manush phengyas lake kay si chacho samo manush, ama ov si po-zoralo. Predlozhingyas lake te len po ekh bar i te plakonen les pe vastes. Kaskoro bar mukela pani – ov si po-zoralo.

I lame lilyas ekh bar, plakongyas les but zorales pe vasteste, ama pani nanay. Togava o manush, bez te dikhel les i lame, ikalgyas pe gonestar hari kiral. Thovgyas les zhi pe bareste i lilyas te plakonel. Tsidingyas pani. I lame daranili i phengyas:

– Bravo! Ama, ma mudar man! Ka dav tut sasto mo barvalipe so isi man, samo ma mudar man!

⁴ **Antoaneta Krumova.** Byandi si ko Dupnitsa – 1947 b. Zhivinela ko Bobov dol. Pes zhanel sar dasikani romni. Bililavni si. Evangelistka. I paramisi zhanel pe dadestar. Pala ov zhanel la pe phuredadestar.